

2007 Rhif 2190 (Cy.174)

**IECHYD PLANHIGION,
CYMRU**

**Rheoliadau Marchnata Deunyddiau
Planhigion Llysieuol (Cymru)
(Diwygio) 2007**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn, sy'n gymwys o ran Cymru, yn dod i rym ar 28 Awst 2007. Maent yn diwygio Rheoliadau Marchnata Deunyddiau Planhigion Llysieuol 1995 (O.S. 1995/2652) ("y prif Rheoliadau"), i ddiweddarau'r rhestr o genera a rhywogaethau deunyddiau planhigion y mae'r Rheoliadau hynny yn gymwys iddynt. Mae hyn yn rhoi ei heffaith i Erthygl 1 o Gyfarwyddeb y Comisiwn 2006/124/EC (OJ Rhif L 339, 6.12.2006, t.12) sy'n diwygio Atodiad II i Gyfarwyddeb y Cyngor 92/33/EEC (OJ Rhif L 157, 10.6.1992, t.1) ar farchnata deunyddiau lluosogi a phlannu llysieuol ac eithrio hadau, drwy estyn cwmpas yr Atodiad hwnnw i *Zea Mays* L. (popgorn ac india-corn).

Yn ychwanegol at fân ddiwygiadau a diwygiadau drafftio, mae rheoliad 2 yn darparu bod y prif Rheoliadau yn gymwys i'r rhestr o genera a rhywogaethau yn Atodiad II i Gyfarwyddeb y Cyngor 92/33/EEC.

Mae asesiad effaith rheoleiddiol wedi'i gyflawni mewn perthynas â'r Rheoliadau hyn. Gellir cael copïau o'r asesiad hwnnw oddi wrth Lywodraeth Cynulliad Cymru, Parc Cathays, Caerdydd CF10 3NQ.

2007 Rhif 2190 (Cy.174)

**IECHYD PLANHIGION,
CYMRU**

**Rheoliadau Marchnata Deunyddiau
Planhigion Llysieuol (Cymru)
(Diwygio) 2007**

Wedi'u gwneud 25 Gorffennaf 2007

*Wedi'u gosod gerbron
Cynulliad Cenedlaethol Cymru 27 Gorffennaf 2007*

Yn dod i rym 28 Awst 2007

Mae Gweinidogion Cymru wedi eu dynodi(1) at ddibenion adran 2(2) o Ddeddf y Cymunedau Ewropeaidd 1972(2) o ran polisi amaethyddol cyffredin y Gymuned Ewropeaidd.

Maent yn gwneud y Rheoliadau a ganlyn o dan y pwerau a roddwyd gan yr adran honno:

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Marchnata Deunyddiau Planhigion Llysieuol (Cymru) (Diwygio) 2007.

(2) Daw'r Rheoliadau hyn i rym ar 28 Awst 2007 ac maent yn gymwys o ran Cymru.

**Diwygio Rheoliadau Marchnata Deunyddiau
Planhigion Llysieuol 1995**

2.—(1) Diwygir Rheoliadau Marchnata Deunyddiau Planhigion Llysieuol 1995(3) fel a ganlyn.

(1) O.S. 2005/2766. Yn rhinwedd adrannau 59(1) a 162 o Ddeddf Llywodraeth Cymru 2006 a pharagraffau 28 a 30 o Atodlen 11 iddi, mae swyddogaethau a roddwyd i Gynulliad Cenedlaethol Cymru gan y dynodiad hwn i'w harfer gan Weinidogion Cymru.

(2) 1972 p.68.

(3) O.S. 1995/2652.

(2) Yn rheoliad 2 (dehongli), ym mharagraff (1), yn lle'r diffiniad o "Directive 92/33/EEC" rhodder—

“ “Directive 92/33/EEC” means Council Directive 92/33/EEC on the marketing of vegetable propagating and planting material other than seed;”(1).

(3) Yn rheoliad 3 (deunyddiau planhigion y mae'r Rheoliadau hyn yn gymwys iddynt)—

(a) ym mharagraff (1)(a), yn lle "Schedule 1" rhodder "Annex II to Directive 92/33/EEC";

(b) ym mharagraff (1)(b), yn lle "Schedule 1" rhodder "that Annex".

(4) Yn rheoliad 8 (gwybodaeth i fynd gyda'r deunyddiau planhigion)—

(a) ym mharagraff (2), yn lle "Council Directive 77/93/EEC" rhodder "Council Directive 2000/29/EC"(2);

(b) ym mharagraff (4), yn lle "Schedule 1" rhodder "Schedule 2".

(5) Hepgorer Atodlen 1 (genera a rhywogaethau y mae Rheoliadau yn gymwys iddynt).

I. W. Jones

Dirprwy Brif Weinidog Cymru a'r Gweinidog dros yr Economi a Thrafnidiaeth, un o Weinidogion Cymru

25 Gorffennaf 2007

(1) OJ Rhif L 157, 10.6.1992, t. 1, fel y'i diwygiwyd ddiwethaf gan Gyfarwydddeb y Comisiwn 2006/124/EC, OJ Rhif L 339, 6.12.2006, t. 12.

(2) OJ Rhif L 169, 10.7.2000, t.1, fel y'i diwygiwyd ddiwethaf gan Gyfarwydddeb y Comisiwn 2006/35/EC, OJ Rhif L 88, 25.3.2006, t.9.